

Alvin Koolman:

Lo por dura dos aña prome cu e operacionnan mes di e refineria cuminsa

ORANJESTAD(AAN): Alvin Koolman ta un persona cu hopi experiencia riba e refineria. El a splica un tiki riba e desaroyo y kico el a sinti for di comienso y awe, cu tin lunanan caba den negociacion.

Desde cu Minister Mike de Meza a acek'e na Juli aña pasa, pa forma parti di e comision pa un posibilidad pa reapertura di un refineria, el a splica cu como mehorado di crudo, e tin bida. Como refineria no necesariamente e por habri. Mundo actual tin demasiado refineria y algun di nan mester bay cera den e proximo añanan.

Por wak un intentidad cu ta inverti asina tanto placa, habri'e como refineria, caminda mundo tin un capacidad mundial. Ora cu Citgo ta muestra cu ta como un operator ta bin, ta ripara cu e ta serio y e ora a bay sinta na



mesa pa Negosha. Desde Juli, tur e parti di MOU, e Heads of Agreement, unda cu ta awe, lo bay cu pasonan basta grandi y tur ta pusha pa caba pa e fin di luna aki bin na un arreglo pa asina por yega pa cuminsa cu e proceso pa rehabilita e refineria. E no ta facil, pasobra ta hopi cos a worde haci, pero ta wak si cu ta bay cu pasonan pa yega y logra esey, Koolman a

splica. E crudo Venezolano ta di worde uza, ta ultra heavy. E team negociador ta di Citgo ubica na Houston y Gobierno ta eynan, dus ta henter ora na Houston of na Aruba. Koolman mes ta traha na Surinam y e mester tuma liber pa e bin pa negosha cu Citgo. Siguramente tur hende a pone cabes hunto pa logra cu ta haciendo. Tur bi-

aha ta sali dilanti. Como negociador Citgo, no kier haci nada mas cu no ta necesario y como pais Aruba, mester ta sigur cu nan ta duna loke nos mester pa den nos caso kier wak y zorg pa e refineria por opera como un upgrader den un forma satisfactorio. Esey ta e dos partinan cu tin y kico nan ta bay inverti, kico hendenan ta bay emplea, con e parti di proyecto ta bay worde haci. Tur esey ta wardando, Koolman a splica. E inversion actual pa start up back e refineria ta papiando di 850 y 900 miyon Dollar. Esey ta den un periodo di dos aña nan mester invertie, una bes cu start e proceso. Esaki ta un proceso. Una bes cu contractnan worde firma na fin di Maart, ta haya cu 4 luna despues e mobilisacionnan ta bin y e ora e 2 aña ta cuminsa. E parti ey ta inverti

e suma ya menciona. Despues ta bin operacion di refineria, ta kere cu ta bin banda di 300 pa 350 miyon pa aña pa opera e refineria y esey ta dura a base di tanto aña e reservanan di crudo tin na Venezuela. Nan tin un reserva di basta aña cu e refineria por keda opera. Tin actualmente 300 biyon bari di crudo pisa di Venezuela. Si dividi e cantidad cu tin pa procesa awor aki, nan tin mas of menos 75 aña di reserva. Si fossil Fuel, si crudo keda tanto aña como producto worde bendi e ta pa basta aña e ta akinan. Inicialmente ta papiando di un periodo di 15 pa 25 aña pa wak e prome experiencia con e ta bay y despues sigui negosha despues. Koolman a splica cu e parti di gas, gobierno tabata enfatisa hopi riba gas. E por dura 14 pa 16 luna pa instala e liña pa bin aki. Aunke e ta den un parti conceptual, pero den e proximo lunanan mester bin un arreglo caminda cu e parti ey ta worde instala y nan ta cuminsa cu gas. Esey ta e concepto actual, Koolman a splica.